

Agiunta al reglamaint davart la furniziun d'energia electrica da la corporaziun dals cumüns concessiunaris da las OEE

I. Disposiziuns generalas

Art. 1

Tenor ils artichels VI 1 – 4 dal reglamaint da la corporaziun dals cumüns concessiunaris da las OEE, es il cumün autonom da relaschar otras disposiziuns pels attachs electricis.

Basa legala

Art. 2

I vain disferenzchà tanter attachs novs vi da la rait cumünala e rinforzs d'attachs existents.

Definiziun

Art. 3

Il trassè e'l cabel vegnan fixats ed erets dal cumün.

Trassè / cabel

Art. 4

S-chüna part d'ün edifizì müda proprietari pretenda il cumün ün attach nov per quella part sainza agen attach sufficiaint.

Müdamaint da proprietari

II. Finanziaziun

Art. 5

Il cumün finanzchescha ouravant:

Finanziaziun dal cumün

- Ils cuosts dal s-chav fin al cunfin da la parcella chi vain surfabrichada.
- Ils cuosts per tubs fin pro'l mür da l'edifizì.
- Ils cuosts dal cabel cun ün eventual s-chüd da fier dal fuond sù fin pro la chaista d'attach.
- Ils cuosts per la chaista d'attach, Tipp 160A cun l'attach dal cabel, però sainza sgüranzas.
- Pro üna chaista da sgüranzas plü gronda co quella manzunada vegnan inchargiats ils cuosts implü al proprietari. Per l'attach in chasa fabrichà aint illa tabla principala vain l'import da la chaista Tip 160A bunifichà al patrun da fabrica cul predschi da cumprita.
- Per fabricats dadour la zona da fabrica ha da surtour in princip il proprietari tuot la finanziaziun per l'erecziun, per la renovaziun, pel mantegniment e per müdadas da l'implant.

III. Taxas

Art. 6

Il cumün in chascha sco contribuziuns als cuosts pels condots chi mainan in chasa las seguaintas taxas d'erecziun

Taxas
d'erecziun:

1. per ün attach nouv:

- a) üna pauschala per ün'installaziun
cun üna prestaziun fin 60A fr. 6'500.--
Quista taxa vain adattada tenor l'index svizzer per mezs da viver.

implü:

- b) per üna prestaziun da 60 – 100A
(sainza s-chodamaint electric) per amper fr. 50.--
c) per üna prestaziun da sur 100A
(sainza s-chodamaint electric) per amper fr. 80.--
d) ün supplement per tupt ils indrizs chi
servan al s-chodamaint electric:
cabels per s-chodar
per kw attach fr. 120.--

2. pel rinforz d'ün attach existent:

Ils medems imports sco sura, però sainza la pauschala a)

Art. 7

Sco contribuziun vi dals cuosts generals da la rait cumünala (preparaziun da terrain fundamentala) in chascha il cumün las seguaintas taxas unicas:
Per fabricats novs o parts da fabricats vegls chi vegnan cumplettats (per ex. tablats)

Taxa d'attach

- a) Per chasa d'abitar e per chasas
d'affar fabricadas oura tenor
las normas SIA; per m³ fr. 3.--
in minimum fr. 2'500.--
b) Per stallas e tablats
fabricats oura tenor las fr. 1.20
normas SIA; per m³ fr. 2'500.--

Art. 8

Pro ingrandimaints da la rait per l'avertüra da terrain da zonas da fabrica interas han ils proprietaris da fuond da sbuorsar sper las taxas debitadas tenor art. 6 e 7, contribuziuns vi dals implants erets novs.

Ingrandimaint
da la rait

Las contribuziuns per las avertüras da terrain vegnan fixadas i'l rom da las planisaziuns da quartier illa procedura da planisaziun da quartier (art 71 e 78 e.s. le. da f.), in oters cas tenor üna procedura da perimenter speciala (art. 24 e.s. da l'ordinaziun chantunala davart la planisaziun dal territori).

Art. 9

Las taxas d'erecziun e d'attach, la taxa fundamentala e la tariffa da forza electrica vegnan fixadas dal Cussagl da cumün.

Predsch da
forza

IV. Disposiziuns penalas e finalas

Art. 10

Cuntravenziuns a las disposiziuns da quista agiunta vegnan chastadas dal Cussagl da cumün cun multas da fr. 50.-- fin fr. 5'000.--.

Multas

Scha la cuntravenziun es gnüda cumissa d'üna persuna giuridica, d'üna società collectiva o cumandita o d'ün oter collectiv da persunas sainza respunsabilità giuridica, sun las masüras da chasti applichadas invers las persunas chi han agi o vessan stuvü agir in nom da quellas.

Per multas e cuosts porta la persuna giuridica, la società o il collectiv da persunas solidariamaing la respunsabilità.

Art. 11

Quista agiunta es gnüda acceptada da la radunanza cumünala dals 5 settember 1991.

Entrada in vigur

Ella rimplazza tuottas decisiuns chi cuntradischan a quista ledscha ed aintra subit in vigur.

Il capo:

l'actuar:

sig. Jon Plouda

sig. Andri Florineth